

新修慶陽府志卷之二十一

宦蹟

士自釋褐而後凡智效一官才能一邑者莫不各自樹立以垂不朽况有非常之人必有非常之績勒之鐘鼎垂之史册者胡可忽也慶陽為姬宗經理之邦秦漢以洎元明因事建功震耀寰壤者不乏蓋生皆鐘靈於川嶽歿則俎豆於崇祠百世之下足以砥頑而起懦焉若近考

本朝循良接武褒擢頻加固非僅以尺寸自見者爰攷據而詳系之無溢美無諛詞志宦蹟

秦

慶陽府志

卷之第二十一

宦蹟

一

蒙恬 秦上將軍始皇命將兵三十萬衆北伐匈奴築長城以拒之

漢

杜延年 字幼公南陽杜衍人明法律性寬厚宣帝召拜北地太守選用良吏捕擊豪強郡中清靜賜璽書黃金崇祀名宦
谷永 字子雲長安人博學經書元延元年為北地太守所居任職因極言災異帝甚感之前後上四十餘事崇祀名宦
夏育 北地太守熹平三年鮮卑入寇育率休屠追擊大破之

馮異 字公孫潁川父城人好讀書通左氏春秋孫子兵法

討隗囂時北地諸豪皆畔囂未降詔旌其功於是使異進軍
義渠並領北地太守事青山胡率萬餘人降崇祀名宦
皇甫嵩 字義真安定朝那人少有文武志好詩書習弓馬以
公車徵為議郎遷北地太守吏有因事受賕者更以錢物賜
之吏懷慚或自殺上表五百餘事後破黃巾賊有功封都鄉
侯華嶠稱其不伐汝豫之戰歸功朱儁張角之捷本之盧植
收名歛策而已不有焉今涇州有嵩讀書臺

晉

李 毅 寧州刺史愛撫士民威著諸羌毅卒諸羌叛州人奉
女秀領州事綽有父風獎勵戰士堅城固守城中食盡炙鼠

慶陽府志

卷之第二十二 宦蹟

二

掘草以食伺敵稍怠輒出兵掩擊破之固守經年

王 遜 字邵伯魏興人永嘉四年為寧州刺史披荒糾厲收
聚離散又誅豪右不奉法者征伐諸蠻俘馘以千計威行寧
土莫不震服後李驥來寇敗之追至瀘水在州十四年州人
復立其中子堅行州府事詔除寧州刺史假節

姚 岳 受王遜方畧與將軍姚崇爨琛等距李驥於堂狼大
破之時為將軍以功名顯

梁

徐文盛 字道茂彭城人大同末持節督寧州刺史推誠撫慰
示以威德諸蠻感之風俗頓改

牛知業 字子英隴西人龍德二年寧州刺史築修城池治公署州人至今賴之李明啟有選柱國牛公新築州城創建公署記

閻慶 字仁度河陰人寧州刺史性寬和不苛察百姓悅之
隋

元諧 河南洛陽人豪俠有氣節開皇間以降吐谷渾功拜寧州刺史有威惠民皆悅之嘗自言一心事主不曲取人意
帝躋之崇祀名官

梁毗 字景和安定烏氏人性剛蹇有學術開皇初出為寧州刺史在州十一年蠻夷感化不相攻擊徵為散騎常侍歲

慶陽府志

卷之第二十二

宦蹟

三

餘進位上開府崇祀名官

崔仲方 字不齊博陵安平人好讀書有文武材幹開皇十四年以基州刺史轉會州總管時諸羌猶未賓服詔令擊之諸部悉平賞賚優渥

姜湏達 開皇八年以成州刺史為會州總管

李安 狄道人以行軍總管出為寧州刺史

柳或 字幼文河東鮮州人少好學博涉經史宇文護引為記室後出為寧州總管 開皇間遷治書侍御史百僚敬憚於時刺史多任武將類不稱職^{上表}以諫帝善之

李充 成紀人開皇間拜朔州總管甚有威名為敵所憚

柳 儉 字道約河東解州人居官以明著稱大業初徵拜

仁

宏化太守清節逾勵五年入朝郡畢集帝問納言蘇威吏部尚書午宏曰其中清名天下第一者為誰威等以儉對帝賜儉絹二百匹今天下朝集使送至郡鄉以旌異焉又大業末盜賊蜂起數被攻逼儉撫結人夷卒無離叛竟以保全崇祀名宦

唐

李 勣 寧州防禦使事蹟備見唐史崇祀名宦

狄仁傑 字懷英并州太原人舉明經出為寧州刺史招撫戎落得其歡心郡人勒碑以頌見古蹟崇祀名宦

慶陽府志

卷之第二十二

宦蹟

四

郭 翰 以御史巡察隴右多所按劾次寧州時狄仁傑為刺史民爭言有異政翰就館以紙筆置於案謂僚屬曰入其境其政可知願薦使君美於朝即命駕去性寬簡改麟臺郎崇祀名宦

蔣 儼 常州義興人擢明經第貞觀時擢會州刺史再遷殿中少監數陳時政輒優納之號良二千石

裴 識 河東聞喜人度之子字通理性敏悟經目不忘襲晉國公時蕃酋上三州七關宣宗擇名臣以守識帥涇原治保障整戎旅開屯田人皆悅靈武地斥鹵無井 誓神而鑿之果得泉

竇懷節 寧州刺史陪葬昭陵

楊朝晟 字叔明夏州朔方人貞元九年城鹽州發卒護境朝晟屯木波堡詔代張獻甫為邠寧節度使因請城方渠合道木波以遏吐蕃問須兵幾何曰部兵可辦帝問前城五原興師七萬今何易也對曰鹽州之後虜先知之今料王師勢難輕入若發部兵十日至塞下未三旬城畢積芻聚糧此萬全計也帝納其策已城吐蕃悉衆至度不能害乃引去復城馬嶺西歸開地三百里崇祀名宦

劉 晏 字士安曹州南華人八歲獻頌號神童名震一時後詔拜彭原太守進御史中丞兼京兆尹總大體不事煩苛號

慶陽府志

卷之第二十二 宦蹟

五

稱職嘗理諸道租庸以佐度支其經晏辟署者皆以材顯范希朝 字致君河中虞鄉人初從邠寧軍為別將事韓游環以功累兼御史中丞環畏其才將伺隙殺之希朝奔鳳翔貞元四年詔以希朝代游環希朝曰始逼而來終代其任非所以安反仄也軍中費監軍使請詔拜寧州刺史邠寧節度副使

韓游瓌 靈州靈武人郭子儀裨將建中初李懷光反瓌退保邠寧平賊党張昕繼吐蕃犯邊乃自將守寧州御史以寬衆亦稍定後推勤王赴難功第一崇祀名宦

南金 德宗朝寧州刺史方輿勝覽

韋 襖 萬年人貫之子宣宗時以吏部侍郎出為寧州刺史
有治績

高崇文 字崇文其先自渤海徙幽州性樸重寡言貞元中吐
蕃三寇寧州崇文率兵三千往救戰佛堂原大破之後詔同
中書門下平章事邠寧節度使戎備整修子承簡亦積功拜
右金吾衛大將軍復節度邠寧屯寧州以制虜卒莫敢侵

趙 縱 守慶州戰死杜牧哭以詩

畢 誠 字存之邠寧 遣吏懷諭羌人皆順向時戍兵苦調
饋餉乏絕誠募士置屯田歲收穀三十萬斛以省度支經費
詔書嘉美崇祀名宦

慶陽府志

卷之第二十二

宦蹟

六

宋

范仲淹 字希文蘇州吳縣人每感激論天下事奮不顧身仁
宗時進陝西安撫經畧招討副使兼知延州趙元昊竊據西
夏勢甚猖獗公論備邊策甚悉抵延大閱州兵日加訓練量
敵衆寡使更出禦敵敵相戒曰無以延州為意今小范老子
胸中有數萬甲兵不比大范老子可欺也公又興營田修堡砦
招流亡通斥堠於是羌漢之民相踵歸業元昊遣人持書至
語多不遜公對使焚之大臣以為未當降知慶州遷環慶路
經畧安撫緣邊招討使自元昊反延慶城砦焚掠殆盡公據
險築大順城城成而白豹金湯皆不敢犯環慶自此寇盜益

少公在邊愛撫士卒其子純祐年方冠興將卒錯處鈞深摘隱得其才否由是公任用無失所向有功元昊請和詔拜樞密副使嘗謂子純仁得其忠純禮得其靜純粹得其畧

崇祀名宦

韓琦字稚圭相州安陽人風骨秀異弱冠舉進士拜陝西安撫使元昊作亂公奏攻守二策言賊雖傾國入寇衆不過四五萬吾逐路自守勢分力遇敵輒不支若并出一道鼓行而前破之必矣帝善之公嘗條陳七事皆中時宜公與文正公在兵間久名重一時人心歸之朝廷倚以為重二人號今嚴明愛撫士卒諸羌耒耜者推誠撫接咸感恩威不敢輕犯

慶陽府志

卷之第二十二 宦蹟

七

邊境人謠曰軍中有一韓西賊聞之心胆寒軍中有一范西賊聞之驚破膽天下稱為韓范典仲淹同拜樞密副使邠慶二州之民並其屬羌皆畫二公像立生祠祀之有韓范祠姚内斌盧龍人知慶州十餘年西夏畏服號為大蟲孔道輔字原魯至聖四十五代裔幼端重舉進第為寧州軍事推官數興州爭事忠鯁無依違時有蛇出真武殿郡以為神州將帥官属欲上其事道輔徑以笏擊蛇碎其首觀者初驚後莫不嘆服石介有銘見藝文崇祀名宦

安俊字智周太原人仁宗時為環州都監破趙元昊吃甓井那諸砦安撫使韓琦上其功遷環慶路都監俊久在邊羌

皆識之得俘擄指俊於坐曰此長髯將君是也崇祀名宦
田仁朗 元城人開寶中知慶州西人寇邊仁朗率麾下擊之
前鋒稍却仁朗斬指揮使二人軍中震恐爭乞效命遂大破
之其酋長相率請和璽褒美

田紹斌 汾州人真宗初調慶環靈州清遠軍部署慶州有野
鷄族數為寇掠道路患之紹斌召其首率三人斷臂馘剗放
還寇感化帖服

范廷召 冀州棗強人淳化二年環慶路都部署至道申副李
繼隆討繼遷廷召出延州與賊遇白池大小數十戰屢克捷
真宗嘉之

慶陽府志

卷之第二十二

宦蹟

八

曹 瑋 彬之子真宗時為環慶路都鈐轄瑋上涇原環慶兩
道圖至是帝以示左右曰山川城郭險 出入戰之要在是矣
因敕別繪二圖以一留樞密院一付本道天禧中為環慶緣
邊巡檢安撫使歸附者千餘部落

滕宗諒 字子京河南人舉進士侂儻自任好施與知慶州上
言朝廷既授范仲淹韓琦四路經畧安撫招討使而諸路猶
帶招討稱號事非所宜詔罷之先知涇州大有安輯之功仲
淹薦以自代崇祀名宦

韓 絳 字子華開封雍卯人舉進士仁宗時以侍讀學士知
慶州時熟羌據堡為亂 日討平之熙寧三年夏人犯塞絳

請邊因知青澗城种諤城囉元又冒雪築撫寧堡崇祀名宦

杜祀字偉長以父鎬廕強敏有才通陰陽數術之學仁宗時知慶州會白崖山蠻襲破環州勒兵破之焚其積聚遂復環州拜環慶路安撫使蕃酋孟番率千騎内附中外信服

崇祀名宦

錢即字中道臨安人知慶州築安邊城歸德堡屯地萬頃縱耕其中歲得穀數十萬邊儲足

俞充知慶州慶陽兵素驕縱小繩池輒肆克悖充嚴約束斬忘言者五人聞有病苦則拊循慰勞喪不舉者出私帑

慶陽府志

卷之第二十二

宦蹟

九

以周之以故人畏威懷德崇祀名宦

景泰字周卿普州人進士起家通判慶州上言元昊雖稱臣包藏禍心當選將練兵修城儲糧以備不虞三疏不報俄元昊果反又上邊臣要略二十卷会有薦泰知兵者遷知寧州夏衆分二道来寇遇敵彭原西張旗幟為疑兵搜伏斬首千餘級崇祀名宦

孫繼鄴金陵人知環州修築紅德砦終步軍都虞侯程德元滎澤人知環州徙慶州時西鄙酋豪相繼内附詔以空印告敕百道付德元便宜補授

柳開字仲塗大名人舉進士知環州移邠州時調民運

民皆蕩析產業開貽書轉運使卒罷之開自號東郊野夫又號補亡先生有集十五卷行世

傅求 字命之考城人進士甲科知慶州環之定邊塞蕃官蘇恩以小過疑懼而遁將佐欲致討求謂恩素非携二者乘以兵必起邊患但遣裨將開諭禍福恩感泣還若如初

耿傳 字公弼河南人喜俠尚氣以蔭通判慶州元昊入寇叅入福行營軍事遇敵姚家川諸將失利武英勸傳避去傳不答英曰君文吏無軍責奈何與英俱死傳逾前指顧自若被數槍卒

劉幾 知寧州處官清約為政安靜四境無寇州俗喜巫軍

慶陽府志

卷之二十一

宦蹟十

八

校有仗妖法欲作亂者盡擒之

任福 字祐之開封人咸平中知慶州兼環慶路副總管上言州去蕃族不遠願兵境上按亭堡謹斥堠為緩急攻守之備仁宗善之聽便宜從事夏人寇保安鎮福聲言巡邊部分諸將攻白豹城焚巢穴平骨咩等四十一族後朝議西討夏人伏發福力戰身被十餘矢卒於陣崇祀名宦

張守約 濮州人知環州慕家族此狼難制搖動部落勒兵討擒之餘遁入夏國守約駐師境上檄取不置居數日械以來斬於市進環慶路都鈐轄

范純仁 字夫仲淹子 坦易寬簡不以聲色加人誼之所

在挺然不屈皇祐元年進士神宗時知慶州上曰卿父在慶
著威名今可謂世職時歲饑擅發常平粟賑貸僚屬請奏而
須報不從全活者甚衆或謗其所全活不實詔遣使按視蒼
秋大稔民謹曰公實活我忍累公耶晝夜爭輸還之嘗曰吾
生平所學得之忠恕二字以致立朝事君接待僚友親睦宗族未
嘗須臾離也崇祀名宦

賈 崑 字民瞻開封人起家從戎神宗時以內殿承制為慶
州荔原堡都監紹聖中夏兵數萬圍麟州甚急崑以數百騎
往援令其下曰國家無事時不惜厚養汝輩正以待一旦之
用耳今力雖不敵吾誓以死報衆感勵行據嶺上一矢殪其

慶陽府志

卷之第二十二

宦蹟

十一

酋衆駭潰哲宗深嘉賜之遷鈐轄崇祀名宦

范純粹 字德儒仲淹子以廕遷贊 大夫沉毅有幹畧才應
時須元祐中知慶州修明戰守救援之法時與夏議分疆界
請棄所取夏地曰爭地未棄則邊隙無時可除不可不棄所
皆畧施行夏人大悅崇祀名宦

張 凝 無隸人任環慶都部署兼安撫使時斥堠數擾凝斬
獲甚衆又降岑勣等三十二族麻謀等二十一族邊境得寧
崇祀名宦

趙 高 字公材邛州依政人知慶州羌名昌詭稱送幣將
入寇尚蕃知自信可使信適以罪繫獄破械出之告以其

故約期日使往果縛取以歸明年夏人寇蘭州高遣將問道出敵砦後要其歸路斬馘甚衆遷龍圖閣學士

張舜民 字芸叟邠州人中進士第為襄樂令王安石倡新法舜民謂不當與小民爭利元豐中朝廷討西夏環慶帥高遵裕辟掌機宜文字師出無功舜民在靈武詩有白骨似沙沙似雪之句治邑尚寬持身廉謹與蘇軾黃廷堅等友善詩簡常相往來及代任惟取一石硯後猶悔恨自號浮休居士崇祀名宦

孫長卿 字次公揚州人仁宗時知慶州慶據高險患無水長卿疏引澗谷及城中未幾復絕乃鑿百井皆及泉泥陽有羅

慶陽府志

卷之第二十二 宦蹟

十二

川馬嶺上構危棧下臨不測之淵過者惴恐長卿訪得唐故道關為通塗二事至今賴之崇祀名宦

高遵裕 字公綽亳州人元豐四年為環慶路經畧安撫使兼知慶州神宗命統涇原兵討夏國師過湟海賊騎驟至遵裕出精騎接戰斬首千餘級

鄭 僅 字彥能徐州彭城人知慶州諸軍多殺老弱持首級要賞下令非強壯而能生致者賞半之有內羌追寇得老人附不忍殺擒之乃其父也諸路爭進討奏捷僅獨保境不生事寇亦不犯

蕭 注 字巖夫臨江新喻人舉進士士磊落有大志又喜言兵

熙寧初寧州環慶李信之敗列城皆堅壁注獨啓閤夜晏
如平時注有膽氣嗜殺而能相人後韓絳王安石皆如其言
史方字正臣開封人先知環慶路兵馬都監尋徙環州先
是磨媚等六族內寇方諭以思信乃傳箭牽羊乞和減禁兵
五千徙內地以省邊費改慶州兼兵馬鈐轄復知環州崇祀
名宦

蔡挺字子政宋城人第進士治平初知慶州夏人軍數萬
寇大順城挺料城堅不可破而柔遠城惡命將先佈鉄蒺藜
城旁水中賊渡水多躓驚言有神且夜斫其營遂潰去又築
城馬練平為荔原堡分屬羌三千人守之後夏人復犯遣將

慶陽府志

卷之第二十二

宦蹟

十三

解其圍慶州兵變討平之崇祀名宦

章 棗 字質夫建州蒲城人以廕為司戶叅軍元祐初知慶
州夏人入寇棗先用間知之命驍將^{伏兵}紅德城鼓譟而出

斬獲甚眾又預置毒於牛 瀦水夏人馬飲者多死後環慶
鄜延等處相繼築城夏人不敢動棗立邊功為西方最崇祀
名宦

董遵誨 范陽人授通遠軍使召諸酋長諭以威德封羊醞酒
晏犒甚至眾皆悅服後復擾邊遵誨將兵深入擊之俘獲甚
眾詔許世襲環州崇祀名宦

折可適 知寧州熙於 略嘗伏兵紅德城破夏人後謀其弛

備與郭城率輕騎夜襲直入其帳殄馘三千餘夏人震駭崇
祀名宦

趙振 字仲威雄州歸人景德中為慶州沿邊都巡檢使信
時金湯李欽等三族尤悍難制振募降羌啗以利令攻破十
餘堡欽等詣振自歸為置酒共飲為樂取細帳圍財數分
植百步外共射欽等百發不中振十矢皆貫欽等驚愕誓不
敢犯後知環州崇祀名宦

姚兕 字武之五原人補右班殿直為環慶巡檢與夏人戰
一矢斃其酋衆潰乘之敵大舉寇邊兕駐荔原堡先據險張
疑兵伺便輒出有悍酋臨陣甚猛兕射中其目一軍歡呼明

慶陽府志

卷之第二十二

宦蹟

十四

日來攻益急手射數百人又遣子雄引壯騎馳掩其後所向
日來攻益急手射數百人又遣子雄引壯騎馳掩其後所向
皆捷敵人攻大順城兕自往救轉聞三日斬級數千又置毒
水上流賊飲多死餘皆遁去卒全二城雄字毅夫少勇鷲有
謀年十八即佐父討賊紹聖中與夏人麩聞大破之徙知會
州崇祀名宦

种世衡 字仲平洛陽人少尚氣節以廕補官知環州蕃部有
牛家奴訛者素倔强未嘗出謁郡守及聞世衡至遽郊迎世
衡與約明日當至其帳往勞部落是夕雪深三尺奴詐方卧
帳中謂世衡必不能至世衡蹙而起之奴訛驚且喜率其族
羅拜聽命請部有貳者使討之無不克其後百餘帳皆歸率

羌兵以援涇原無敢後者嘗課吏民射有過失射中釋其罪
人人自勵皆精於射由是數年敵不敢近環境遷環慶路兵
馬鈐轄范仲淹檄令築細腰城晝夜興築有功及卒羌酋朝
夕臨者數日環人皆畫像祠之崇祀名宦

曲 珍 字君玉隴 人也為著姓好馳馬試劍元祐初為環

慶副總管夏人寇涇原號四十萬珍搗虛馳三百里破之曲
律山俘斬千八百級解其圍珍善撫士卒得其死力雖不知
書而忠朴好義本於天性

种師中 字端孺世衡之孫知環州又知慶陽府 成持重為
時名將榆次劉韜言師中聞命即行奮不顧身雖古忠臣不

慶陽府志

卷之第二十二

宦蹟

十五

是過也

呂由誠 字子明誨之李子明更有智略以父恩補官知河水
縣王中立种諤征靈州由誠部運隨軍天寒食盡他邑役夫
多潰去惟由誠撫字有方所部分無離次者崇祀名宦

李允則 字垂範少以材略聞為寧州防禦使允則不事威嚴
間或步出遇民延坐與語以是洞知人情訟至無大小面訊
立斷善撫恤士卒皆得其用盜發輒獲人莫知所由身無兼
衣食無重饜不畜資財後人仰慕作六君子堂允則其一也

崇祀名宦

强 霓 自金歸宋為武功大夫知環州環慶路統制軍馬兼

沿邊安撫使隆興間金兵圍環與其弟環慶路統領震堅守孤城招降不屈城陷死之詔立精忠廟崇祀名宦

武英 字漢傑太原人以功為環州都巡檢使徙紅德砦主又徙慶州柔遠砦元昊寇延州擢環慶路都監又從任福破白豹城兼涇原行營都監伏發遇害

孫沔 字元規會稽人仁宗時知慶州元昊死諸將欲乘隙大舉沔以乘危代喪非體止之戰亡遺骸聚而塋祭之軍中感泣凡三知慶州邊人服其能

耿戡 元祐間為正寧令建學教人既去人思之為碑建頌德

慶陽府志

卷之第二十二

宦蹟

十六

金

馬諷 字良弼大興溇陰人進士天德中任寧州刺史民有告謀不軌者株連數十百人諷察其無狀告者俱伏其誣衆懷呼感泣遷大理少卿

龐迪 字仲由延安人少儻習騎射天眷七年為慶陽尹歷三考不易以治最聞詔書褒美西人榮之崇祀名宦

楊仲武 字德威保安人先為環慶路兵馬都監皇統間除知寧州關中游饑境內盜賊縱橫仲武悉平之改坊州刺史復

知寧州

元

陳 改 奉元路人慶州同知蒞政公勤興廢當可
何不罕 慶陽路兵馬都總管訓練士卒督課農桑政通人和
百廢俱興

王伯華 至正間教授氣宇端凝問學該博動以禮法為教憂
時憫下見於顏色一時雋髦多依之

徐 珮 至正間任寧州知州事蹟無所考見寧州名宦志
許興祖 至正間任正寧令縣志載之

李 真 奉元路人合水主簿博洽儒雅惠愛及人
劉居仁 上党人任正寧教諭亦仍舊志

張添福 至正間以樞密副使奉李思齊檄守禦正寧剪除盜

慶陽府志

卷之第二十二

宦蹟

十七

賊築城衛民間境賴以安焉崇祀名宦

明

余子俊 字士英四川青神人起家進士成化六年拜巡府都
御史疏言三邊惟延慶地平易寇屢犯急宜於沿邊築牆置
堡廷議緩之後復請從之徙延綏鎮於榆林設二十四寨堡
仿古長城遺跡又每十里設軋站以便屯戍令延慶士兵耕
牧塞下由是食足兵强人心思慕榆林塞寧俱有祠祀公嘗
曰人臣事君當隨事盡力凡有建樹即近且小亦須為百年
計又曰大臣謀國當身任利害豈得遠怨市恩為自全計故
榆林始 持之甚堅竟以成功為數世利崇祀名宦

林善 洪武初知寧州兵燬六君子堂詢故老得其姓名移建祠宇於城隍廟左

龍相 正德中住慶陽衛指揮僉事驍勇善射騎敵人入寇督軍戰於箭竿嶺躬冒矢石被重創死

馬文升 字負圖河南鈞州人猊環奇多力舉進士成化間巡撫御史選將練兵剪除劇賊績甚著應變機深人畏服皆此因外寇猖狂駐節慶陽奏舉叅政胡欽增修堡寨以為捍禦僉事左鈺協守環慶以備兵糧事雖辦於二道一切方畧

皆公密授之是以當時卒禦大敵保障危邊裕如也功在邊鎮外國皆聞其名尤重氣節厲廉隅屢起屢仆卒不少貶

慶陽府志

卷之第二十二

宦蹟

十八

秦紘 字世纓山東魚臺人進士起家御史宏治十四年總督三邊練壯士興屯田軍聲大振請修築諸城堡又以意邊作戰車名全勝車詔頒其式蒞職三載四鎮晏然

楊一清 字歷寧鎮江丹徒人起家進士貌寢而性警敏好談經濟火畧初以副使督學陝西一時閔中宿儒咸出門下暇復究心邊事宏治十五年擢副督御史督理馬政嚴禁私商畫籠利於官而番馬大集尋改巡撫築平虜紅古二城濬垣瀕河練兵選卒軍政肅然武宗初立命總制三鎮軍務遂建議修邊以花馬池至靈州地寬延城堡復䟽寇毀墻入則固原慶陽平鞏皆受患昔余子後修邊墻寇不入者二十餘

年秦紘僅修四五小堡及靖虜至環慶治塹七百里不足捍敵乃條具便宜請於險要處所增設墩臺自環慶以西至寧州增兵備一人帝從之嘉靖三年詔以相總制邊事率諸帥肆行陣部曲皆樂為用朝野擬之姚崇云

胡欽 陝西叅政成化間分守延慶地方嘗與巡撫馬公文升相度阻考按遺跡增修馬嶺木鉢等城葫蘆泉石等堡洞為禦戎安民之計

左鈺 直隸故城人陝西簽事協守環慶地方才識宏毅幹辦精敏嘗提兵入韋州遏禦外寇及討平叛逆威名大著即陟本司副使仍協守旋陞大同都御史叅贊軍務為時依重

慶陽府志

卷之第二十二

宦蹟

十九

孟準 山西遼州人宏治間陝西僉事分巡河南道明於治體剛斷有為

賈鋹 直隸句容人協守環慶副使成化間歲值大歉公捐俸易黍作粥活人數萬民到於今誦其德

于茂 山東寧海人副使整飭環慶兵備道兼理靈州鹽課剛正沉靜不怵於勢

燕忠 直隸薊州人歷官大理寺卿正德中李夢陽提學江西與巡按御史江萬實相訐檄左布政鄭岳按之夢陽奏岳子沄受賕欲因以脇岳帝遣忠按問言岳子私有迹而夢陽挾制撫按宜斥從之改授副使整飭環慶兵備持身嚴勵法

度昭明人心肅服

許淳 四川成都人陝西副使整飭環慶兵備心公而恕秉
憲有方

張蘭 河南洛陽人正德間陝西僉事陞副使整飭環慶靈
州兵備撫綏有方剖決無滯重修鎮朔樓鷺池且費出己有
民力不煩去之日民祖帳相望於道

王寅 直隸容城人陝西副使正德初攝環慶兵備廉介嚴
肅守法不撓人咸稱其玉潔冰清云

張檄 山西代州人陝西副使環慶兵備識明量宏練達國
是復強記過人凡一接於目者其姓名終身不忘在慶三年

慶陽府志

卷之第二十二

宦蹟

二十

人咸頌之

高公韻 四川內江人正德^中為御史坐貶謫嘉靖初任環慶
兵備下車即留心民瘼遍訪時艱政尚寬平吏民懷服時值
亢旱穀價踴貴公憂形於色率僚屬鄉耆齋戒禱祀時溽署
若炙徒步撤蓋既而靈雨疊沛人咸謂公誠信感格云其預
防邊備疏通鹽課 多善政一時兵食賴以富強一聞母病
不俟終日以行後歷升工部侍郎

路迺 山東汶上人由進士正德間任環慶督鹽兵備豁達
大度綱紀嚴明時值大荒盜起公一切以重法懲之四堵賴
以寧謐尋陞 官至兵部尚書

李文中 雲南大理衛官籍嘉靖間分守環慶叅議小心和易蒞民如家人輿情無不盡知凡有刑獄俱自屬稿不假吏胥以是積奸巨猾不能蔽其明而受德者衆陞固原兵備副使固原人亦慕之

劉彭年 四川巴縣人由進士嘉靖十七年分守河西道叅政明 有威公以名家宿學事皆練達雖性稍嚴峻而不事聰察故吏民畏若神明愛如父母對士大夫則和坦易開心_平布誠士大夫咸歸之歷官右副都御史

陳 儒 錦衣衛人由進士嘉靖十八年分守河西道右叅政志高才敏卓著循聲不但以文章名世

慶陽府志

卷之第二十二

宦蹟

二十一

龔 輝 浙江餘姚人由進士嘉靖十八年分守河西道叅政貌溫氣和政歸平易凡事不務苛求未嘗立赫赫之威而事無不治人以召父社母稱之

王汝孝 山東東平人由進士嘉_靖二十二年分守河西道叅政心存和厚政尚寬平地方不擾民物又安尋陞河南按察使去之日民祖道供帳絡繹相望人皆榮之

俞 智 直隸歙縣人由進士嘉靖二十三年分守河西道叅政持躬仁恕不屑屑瑣務雅重人材嘗曰軍民之不治必有司之失職吾惟求賢而治耳官至副都御史

王惟賢 四川中江人由進士嘉靖二十五年分守河西道叅

議慶陽雖地接邊徼自明初以來敵未入境二十四年公下車即留心邊事城池戰具必預為整理凡要害閼隘必親身經歷時多以承平玩之至二十五年敵衆十萬果至府城下未雨綢繆有備無患人始服其先見云

李 綦 河南祥符人由進士嘉靖二十六年分守河西道叅議智敏才捷操謹行方凡理物馭下動有規鑒雖不是嚴刑而吏民之奸慝者斂迹無遺至於摘發幽隱洞若神明遠邇有父母之依焉尋陞任去官至左布政

汪尚寧 直隸歙縣人由進士嘉靖二十八年督修環慶城堡叅政時值夏人侵寇之後凋瘵不堪正供缺額公奉空文建

慶陽府志

卷之第二十二

宦蹟

二十二

營城堡窰洞各若干所摺持區畫備歷艱辛時兼管分守河西道問民疾苦慶人至今戴之

朱 徵 河南唐縣人由進士嘉靖三十年分守河西道叅議聰明不用機警不萌惟使人不敢欺吏皆奉法而矣一時翕然有長者之譽

蘇志 直隸固安人由進士嘉靖三十一年分守河西道叅政賦性剛毅接物和煦幾若弗類蒞政一年貪墨強梗咸知斂戢人稱快焉陞山西按察使尋陞遼巡撫右副都御史

陳其學 山東登州人由進士嘉靖三十二年督修環慶城堡叅議 多平允閭閻歌誦不輟創臬鳳凰等堡

陞肅州兵備副使

張鐸 南京京衛人由進士嘉靖三十三年任分守河西道叅議名重館閣公以清華之選出叅外藩人咸惜之怡然就道蒞任甫一年未竟夙蘊以遷陞蘇北副使去

朱用 河南洛陽人由進士嘉靖三十四年督修環慶城堡叅政賦性誠朴立改平易吏胥感德亦莫忍欺先 巡河西政務輯和繼督城堡凡所營建咸 民便 民不知其擾而績用底成

栗永祿 山西潞安人由進士嘉靖三十五年分守河西道叅議雄偉度望之凜然然而中無城府坦如也下車後問民疾

慶陽府志

卷之第二十二

宦蹟

二十三

苦虛懷悉納是以甫二三月革弊興利秩然就理

劉廣生 河南羅山人由進士天啓間任分守河西道清正嚴肅巡歷環邑院有樹公題句云獨高梧幹偏憐鳳肯長榆錢却媚人直指見之謂二語可覘公品特列薦剡後歷 巡撫陝西議討延慶回賊三道進兵命僉事李卑與游擊伍維藩等夾擊破之陞戶部尚書

國朝

沈加顯 河南河內人由進士順治二年任時^值逆闖之餘空城瓦礫市無居民郭外渠魁數十人竄據加顯招徠撫輯氏漸歸理復請兵駐防激勸將士剿除賊帥三十三人脅從皆

散民咸安堵凡被掠男婦問歸無使失業暇與諸生賦詩論文有投壺緩帶之風焉崇祀名宦

李嘉彥 直隸曲周人由進士任處心坦易行止舉動皆可於古人中求之日進諸生課文六年未嘗稍懈兵燹之後慶人咸知絃誦風流至今未沫尋陞廉使去之日閭巷陳酒果老推扳轅日脯登車焚香拜送遮道百里

張文炳 直隸滄州人由進士順治十一年任秉性清簡政治嚴肅民有訟多平及暇以讀書焚香自娛尋陞鄜州叅政王天鑑 萬全都司人由進士順治十三年任明敏毅直有古大臣風蒞慶時率屬撫民唯以清政相先營伍整肅甫數月

慶陽府志

卷之第二十二

宦蹟

二十四

上疏致仕當事不允決意求罷人以為恬退云

張元璘 遼東遼陽人順治十四年任坦易居心政治簡靜蒞任後與民休息有犯法者委曲求生一時多於擇潔清率屬杜絕苞苴尤為士大夫所重

陳林 洪武初任問創之初百務聿興事皆有成規可為後法崇祀名宦

張智 宣德間任致政之日士民扶老携幼涕泣以送萬旬 正統間任為人長厚坦易政尚簡要而汲士類每

如不及尋陞山西叅政

明知府

前三名亦是

耿信 山東濟寧人由舉人景泰間任下車日條立規模吏民胥服後致政歸

張翔 山東蓬來人天順間任慈儉牧民民以為不擾咸感之復興學造士人文賴以不衰

馬傑 山東利津人成化間任尚禮讓惜人材折獄洞察隱微民無冤滯招集遠方商賈財貨駢集郡稱庶富

張綸 山西平定州人成化間任廉介嚴肅人不敢干以私積時宿弊釐革殆盡郡有早澇輒隨禱而應其他善政不可枚舉

王貴 直隸永平人成化間任持禮自重剔弊除奸所屬強

慶陽府志

卷之第二十二

宦蹟

二十五

梗豪右無敢負逋者

周茂 直隸〔龍廬〕人成化間任廉明果毅卓有異政每以氣節自負宏獎風流士民戴之

黃傑 河南鄧州人宏治間任內恕而外肅民無斲法尋陞本省叅政

劉昂 山東高唐人宏治間任政存大體不屑委瑣胥吏皆守公奉法無作奸犯科者

馬葳 山東武定人宏治間任時北彘犯邊餉運孔急民皆苦之力請當道減其半民賴以紓

郝鎰 字廷重直隸河間人宏治間任時值承平而政多寬

廢公於撫字之餘次第整濟城池公署圯而復興不吝費不避怨他率類此郡民多穴處不知桑麻公至革奸胥清徵輸之弊招工陶瓦甃治廬舍教樹藝暇則飾心署學校民有人報父仇者鎡據法當原憲司不從後臺議卒是之治為諸郡第一正德卒於任士民哀悼崇祀宦

張天相 山西陽曲人由進士正德間任擾於文學不炫才華政尚寬簡古之循良莫能過也民親愛之至今弗忘

王顯高 四川綿州人由進士正德間任捐介自持言笑不苟初至郡事咸問吏輒首肯吏謂無能為率犯不韙不知公已早察之矣踰三月因事斥之法漸嚴吏相戒不敢為非焉公

慶陽府志

卷之第二十二

宦蹟

二十六

學術宏通才名震世而則醇謹日與諸生講解人始知其淹博

賈運 直隸束鹿人由進士正德間任性卞急心慈惠有過旋悔不俟終日治民無苛政

馬禽 四川南充人由進士正德間任宿學碩望雅偉儀以循良稱

蕭海 直隸江都人嘉靖初任少負文名和易好士初起家刑部律法精明獄具兩造數言剖決洞若觀火

李文芝 山東東平人由進士嘉靖十五年任持己廉平遇物公恕尤崇重士類時文廟頹圯即捐俸修治之輪奐更新器

用兼備造士實多

何 岩 河南扶溝人由進士嘉靖十九年任為人朴實長厚
循循天理中外一致復優於聽斷案無留牘

汪 來 直隸天津人由進士嘉靖三十三年任政務大體不
恤小節遇紛劇談笑剖決若無難者尤注意邊事所著有
北地紀四卷

田大有 字豫甫東平人嘉靖中任興學治戎賢聲大著北寇
攻圍郡城出奇制勝威震西陲崇祀名宦

梁明翰 山西孝義人由進士嘉靖三十四年任治績報最
嚴思恭 雲南人由舉士萬曆二十四年任修葺內外城垣金

慶陽府志

卷之第二十二

宦蹟

二十七

湯鞏固尋陞副使

史東昌 山西蔚州人由進士萬曆四十年任無為教作亂勢
甚熾公以計襲之卒平

阮自華 江南安慶人由進士萬曆四十七年任博雅名儒兼
精書法以天象預知慶地有兵隨修閱武備為預防計人
方倚賴焉未幾致仕歸入名宦

趙三極 河南永寧人舉鄉試第一崇正五年任愛民如子政
簡刑清母沒歸里士庶空城泣送時流寇猖獗公哭守喪次
賊義之戒弗掠其家

韓友范 山東岢嵐人由舉人崇正十三年任時慶郡大荒斗

米三兩公賑卹不暇又設廠煮粥民賴以濟全活甚衆尋陞
神木兵備副史

國朝

楊問奇 直隸人由舉人順治三年任締造甫定急需休養公
不滋一事不寃一民捐俸創建府治規模宏敞民効子來
李日芳 河南杞縣人由舉人順^治四年任郡經兵燹後教養
缺然公顏禮耆碩常以粟帛周之見童稚則諭其父兄勿令
失教因立五社學四具膏火人比之文翁化蜀

陳衷一 河南蘭陽人由進士順治十年任讀書博物秉性廉
靜率屬垣恕民受其賜

慶陽府志

卷之第二十二

宦蹟

二十八

楊藻鳳 字穎立山西寧鄉人由進士順治十四年任本年建
築合水縣城招集流亡十五年督修府城十六年建合水儒
學阜城察院經催正糧前官逋負設法徵輸寧州諸生貧不
能償者捐俸代納陞湖廣提學副史

程萬仞 遼東錦州人乙未科副榜順治十七年任英俊多才
耆學靡勸善鼓琴凜四知治民恩威並著捐俸重建學宮
扶持名教不愧循良

傅宏烈 字竹君江西南昌府進賢縣人由舉人康熙三十年
來守慶陽招集流亡撫綏凋瘵罄家資代償民欠而正供猶
重因越例上疏奏請豁除凡五上乃得請減額一萬六千有

零語詳原疏郡人德之建生祠塑像以祀迄今五月五日報賽不絕後歷陞滅蠻靖寇大將軍兼廣西巡府郡人謂其循吏忠臣西無愧云

白為章 奉天鉄嶺衛鑲白旗人由監生初授江西南昌府同知二十年陞任慶陽裁陋規減供億修學校平賦稅其善政不可殫舉郡人至今誦之

李甲聲江南鳳陽府潁州人寄籍河南由拔貢授山東兗州府壽張縣知縣擢福建漳州府同知隨總督姚克復陳州馬州觀音山等處十九寨又恢復廈門金門各島陞廣東惠州府知府尋以事奪職後復官康熙二十七年除授慶陽府蒞

慶陽府志

卷之第二十二

宦蹟

二十九

任日夜夢緋袍神幸府醉漢遠遣毋再沔我次日謁廟見周祖不窋像適符所夢因改遷諸神於他所捐俸修整圖三十六至於壁至今以時粉飾之

金垣生 正白旗人由官監生授湖廣安祿府同知康熙五十一年陞任慶陽府思振興文教即捐俸首建義學延宿儒以訓之士風丕變

李 桐 山東大嵩衛人由庶吉士除外調任慶陽府嚴毅方正治績有聲到任三月改平涼府

楊纘緒 廣東潮州府澄海縣人由庶吉士改吏部驗封司郎中除浙江道監察御史乾隆二年調授慶陽府以郡城久不登

科因審度地形於乾隆三年開正南門城先以便閉放夕
矣開此以迎文明之氣復建樓三楹於雉堞以壯觀瞻由是
科名不絕士子咸知奮勉實深有裨於風教云

時鈞轍 江蘇太倉州嘉定縣人由庠吉士改主事陞戶部郎
中河南道監察御史點丁卯科陝西副主考乾隆十三年補
授慶陽府郡人謂其造士惠民清廉果斷

何敦善 浙江淳安人洪武末以人材調任廉平公謹政績有
聲永樂間秩滿以考最賜衣一襲尋陞江西撫州府知府
崔瑛 湖廣公安人永樂間任勤於吏職百姓悅服

明同知通判推官

以上二名是接下

慶陽府志

卷之第二十二 宦蹟

三十

李 著 山東濮州人天順間任練達政務行以公恕慶民德
之尋陞平涼府知府

張 鎔 直隸定州人由進士宏治間以休寧知縣陞本府同
知佐郡撫民明決無滯後以優去慶人懷之

袁 弼 山東章邱人由進士宏治間任多學有文喜延賓客
修學宮正祭噐率身親之

宋雲霄 山東淄川人天啓七年任同知秉性清簡居官明恕
時櫃夫馬夫舖兵等役俱係僉報里甲民產多蕩雲霄署縣
篆一切革去乃設措工食招募應役民受其賜

李 萼 四川安岳人成化間管糧通判尋陞同知通曉事變

洞徹機宜以余司子俊薦陞山西僉事

楊寬 直隸涿州人由舉人宏治間任廉介自持禁革倉廩毋許濫取且以糧芻積羨加補失業之數由是民力寬紓而軍儲不不乏

馬湘 直隸徐州人由舉人宏治間任管糧時屬邑負租稅十數萬湘曰民寧有食士而不輸將者乎必有溢額侵漁之弊不與理此司牧之過也因定限法除夙弊奸究屏迹由是賦稅悉清築環縣城鑿塩池井得甘泉一方尤仰賴之後聞喪歸囊橐蕭然士民深服其廉崇祀名宦

呂質 直隸人宏治初年任簡靜廉明不立崖岸時有倉曹

慶陽府志

卷之第二十二

宦蹟

三十一

貧甚將鬻女以歸贖還之倉曹感泣人傳頌其德

趙翰 湖廣石首人由舉人正德初任學有本源志希古哲未嘗求名而上孚下愛得力於經術為多

李本立 山西崞縣人由舉人嘉靖初任才具通敏念且愛民雖遇事繁劇而從容雅度無不迎刃而解後陞直隸景州知州

劉昇 管糧通判為人坦易無偽蒞任數年治民不加箠楚民亦否忍欺輸納爭先反過於昔

韓弼 山西人賦性剛嫉惡尤甚初濟寧判務恤窮黎不避權貴治慶亦然

趙璠 河南人執法不撓決 不滯時 治軍檄委屬
理邊餉刻期而辦當道嘉之

蕭大華 性體安和議論敏捷治民愷悌慈良聽斷不事苛察
人多感之尋苑馬寺丞

馬一荀 雲南建水人由舉人崇正四年任秉性醇厚用刑寬惟及
流寇圍城晝夜戒嚴每事必咨於民上下一心賴以保
障

國朝

康西色 直隸濬縣人由拔貢順治三年任古貌古心外若迂
鈍內實精明執法最為平允故司理五年民無冤抑

慶陽府志

卷之第二十二

宦蹟

三十二

閻允穀 江南巢縣人由進士順治十年任摘奸發伏驚以為
神性嗜學簿書之暇吟咏不絕惜以鑄級罷去就道之日士
民攀轅哭聲震地

王馨穀 直隸新城人由進士順治十四年任修復郡城屢捐
捐清俸嘗以水利導民民頗樂從

明知州

李仕銘 直隸徐州人永樂間任修創壇祠驛舍諸工興作不
一多傭無業貧民課其功而餼廩焉故人不告勞而事亦易
集也

字之紀河南禹州人由進士宣德間知寧州廉勤公

恕百廢俱興雖久任三十年而規模整肅如一日州人愛戴莫忍違令累蒙加爵增秩食參議俸考績入覲賜宴禮部以旌寵之正統中請老去民送之涕泣載道後祀六君子堂

劉謙 山東濟寧人天順間知寧州聽察警敏法尚嚴肅人不敢犯間有刁悍不馴者多畏法而潛改人稱之為劉閩羅閩定之 山西平定人由舉人成化間任知寧州材略優長幹濟克舉濬修城池屹成保障州人賴之

杜忠 河南盧氏人宏治間任知寧州巡行阡陌勸農課桑歷史弗懈有古人遺愛風

張悌 山西嵐縣人宏治間知寧州愛民恤財清慎自矢學

慶陽府志

卷之第二十二

宦蹟

三十三

校公署多所修建任滿州人涕泣留之

段紳 河南蘭陽人宏治間知寧州立市集開官街凡便民者無不力行之訊刑明允治行卓異不愧循良崇祀名宦

張璉 山西絳州人由舉人正德間知寧州威信明決人皆感之無撓法者舊時民多艱於輸納頗費督責璉惟恐竭民財教之儉己急公反復曉諭民奉其言終其身無一逋欠後以事罷去

王暘 河南懷慶人由進士嘉靖初知寧州才雄識敏守介法嚴寧雖僻壤優游卧理弟性傲而多猜忌有^人慕其間者竟不克大用輿論以是惜之

楊澤 山西絳州人由舉人嘉靖間知寧州剛毅果斷尤善
知人器使盛當人樂為用

劉寓春 湖廣石首人由舉人嘉靖間知寧州清謹平易有溫
恭豈弟之德遷任之日羣賢出餞小民泣送留 以此甘
棠焉

丁律 直隸彞縣人由官生嘉靖間知寧州催科有方不畏
強禦輿人興頌民有去思

賈曉 河南臨潁人由舉人嘉靖二十八年知寧州少出名
家多聞有識守法雖嚴心實慈惠是以剖決無疑獄訟稱
平

慶陽府志

卷之第二十二

宦蹟

三十四

馬彥卿 字次彰號溪源四川內江人知寧州在任十五年築
監內城磚梁及郭城四週凡早社政平南義井鳳凰堡焦村
太昌新庄襄樂城皆屬創築利賴無疆初設北關通商利民
有馬公遺愛祠今廢碑存崇祀名宦

顧漢 字子涵號星河山西大同人由舉人知寧州在任十年
多惠政州人立生祠於西門內今廢碑存

曹永年 江南太平人由舉人知寧州廉謹著名考績入都賜
晏天下清官永年與焉

王政 四川新寧人知寧州精敏絕倫催科居最官至叅憲
廉 山西聞喜人知寧州長厚立心不事苛刻為民節省

不避嫌忤有子六人一曰永寧翰學士^林 綸登甲午科鄉薦
衣冠濟盛

喬雲鳳 山西平陸人由舉人知寧州廉隅自飭纖毫無染重
築朝天門日課士子手自披閱每至^通 未幾遷調接浙而去
去之日士民無少長皆哭祖於道公家居自此不復通籍
矣

周日強 直隸彘縣人由舉人知寧州值合水為賊所陷州城
危在旦夕聞督師楊鶴赴省己次永壽日強草書日三上督
師返旌駐寧民喜更生鶴喜其經畫有方特疏題擢分守河
西道

慶陽府志

卷之第二十二

宦蹟

三十五

唐萬齡 直隸贛榆人由貢生知寧州簡民間壯^音編為遊兵
城上設八陣陣立哨官用是習於技擊後八年賊匝圍如蟻
卒能固守公遊兵之力也

崔應龍 山西徐溝人由恩貢知寧州出資購鐵運炭成火炮
二十餘位神鎗百餘杆民指為迂公^五去年賊薄州城州人
以火器退之始服公之長慮

國朝

程維新 西安府富平人生員知寧州下車勘荒為民請命免
賦三分之一築堡於城內東山不擾民力

韓 魏 號海湄山東膠州人由進士順治十一年任 愠不

形從未厲聲堂上造營舍以憇兵返河流於既決從未科民間一錢人皆德之

張光岳 號符元江南懷遠人順治十四年知寧州銳意釐奸不辭勞怨歷年積逋徵解如額小民曹文輝鬻女輸糧公聞之出俸十金贖還貧士不能完糧者本府太守楊公與公捐俸代完其惠政不可憚述崇祀名宦

丁棟 福建晉江人由拔貢康熙八年授寧州知州憫寧賦偏重民不聊生力為請命浮糧得以蠲免州人德之崇祀報德祠

晉顯卿 字次公遼人由恩蔭康熙二十六年以施秉縣知

慶陽府志

卷之第二十二

宦蹟

三十六

縣陞知寧州下車自誓痛革積弊嚴絕私派冰蘖自矢一塵不染實心實政愛民如子為四十餘年所僅見者循良之蹟州人比之劉綱馬彥卿焉

明知縣

陳淵 直隸吳江人洪武間任安化縣持己廉靜施政有方陞九江府同知

王訥 湖廣穀城人由進士永樂間知環縣一時政平訟理民愛慕之

陳忠 山西清源人正統間知環縣服官清慎賦役均平邑人賴之

耿鑑 山東人景泰間知安化縣人平易近民民如依怙恃
王嵩 山西清源人景泰末知正寧縣政務廉平民悅吏不敢犯

陳琦 山西清源人成化間知安化縣教養勤勞事咸自理
不委胥吏之吏不敢犯

張綱 河南鞏縣人知安化縣邑順 遠有事常苦於鈎攝
且附 軍民雜居綱以理法教民申明賞罰追呼不擾賦後
全清後以憂去

吳忠 山西稷山人成化間知安化縣政務清簡尤不喜以
民財市恩沽譽民咸樂之

慶陽府志

卷之第二十二

宦蹟

三十七

李賓 順天大興縣人由舉人成化間知環縣居職清慎遇事有為綜理疲邑煥然一新縣與軍民雜處無不畏服者歷
政十一年陞河間府知府

張文煥 山東濱州人由舉人宏治間知正寧縣仁愛節儉以
支應舊費無經通計戶口立均平法由是累民之改革除殆
盡民力漸豐裕矣

王佐 山西陽曲人由舉人宏治二年知合水縣撫字勤勞
吏民畏服歷官八年惠愛日隆以致事去士民感慕

劉曰文 四川簡州人由舉人宏治間知正寧縣輕徭減賦興
利除害民甚德之後陞本府通判

杜介 山西人由舉人正德間任安化縣清勤撫字不遺餘力坦率無威儀雅不喜馳譽亦未嘗以己事忘費民一錢一時咸稱良吏焉

王朝 山西隰州人正德間知合水縣舊志謂其清廉正直民有去思

李安之 四川嘉定人由進士正德間知合水縣境僻民朴不怒而威凡勸學興農懲奸扶善諸事措置裕如持以甲科每自矜尚為人所不容落職去

尹承 府軍前衛人由舉人正德間知環縣器宇軒昂政體莊肅尤以清介過持氣節自負而令出惟行吏卒畏服且善

慶陽府志

卷之第二十二

宦蹟

三十八

教民開墾則用饒裕以勞沒於官迄今人頌其德政

王鑑 直隸霸州人由舉人正德十六年知環縣膽力過人才智有餘是以治事應變無不快愜人心至益人損己之事欣然為之不恤也

晁瀛 山西平陸人正德中知合水縣居心慈惠恩及黎庶性尤剛毅邑有豪強者輒為懲誡威行境內肅然向化崇祀名宦

李恭 河南桐柏人正德間知正寧縣朴實精勤言不忘發當道勞獎以任滿去

張鏜 山東濱州人正德間知正寧縣舊志錄其清而能幹

人心景服

朱時孟 河南人由舉人嘉靖初安化令銳意有為沉潛不足而然振興之迹頗多以罪誤去

李揚 河南人嘉靖間以歲薦知安化縣學明行修摯持疲邑調護貧民嘗佐以己財人翕然感之二十五年值北寇殘掠至城下民有獲賊首級者以授公子公殊不知也後有他冒功者及以坐至發配民甚冤之

裴璜 直隸隆慶人由舉人嘉靖二十九年知安化縣清謹朴實悉心撫綏而舉止又復儒雅民感悅之以拂上官意致仕去時論惜之

慶陽府志

卷之第二十二

宦蹟

三十九

周澤 四川閬縣人由舉人嘉靖間知合水縣志謂其恩威並著吏民懷畏

劉尚志 山西汾州人由舉人嘉靖間知合水縣地僻事簡坐鎮有餘且性復靜厚民賴以安蒞縣五年堂皇虛閉有白鷺不驚常集於庭後陞平涼府同知去

王泐 河南祥符人由舉人嘉靖間知合水縣賦性醇度居官清謹雅意學校優禮士子留心民瘼庭無滯獄而民無濫訟幾於化行俗美後調南宮縣

丁繼 山西嵐縣人嘉靖七年知環縣邑小而劇且近邊庭能以平易之德成簡靜之政民甚便焉會有盜發塚者買金

他邑事發坐失察削籍民皆寃之

褚寶 直隸鳳陽人己丑進士歷兵部職方司郎坐事謫任初授臨朐令實心任事雅愛人材擢用當職特以性頗孤介為時所忌降謫環邑履任後猶諄諄然以忠厚勸民表率士類居環五越月遽引疾歸當道者不屈留也

馬存仁 直隸涿州人由舉人嘉靖間知正寧縣持己清介為政寬平解組恬退民有去思

張國政 山東濰縣人由舉人嘉靖間知正寧縣守己廉潔政務簡靜士服其教而民感其德

賈羅 山西吉州人由舉人萬曆間知環縣居官清謹博學

慶陽府志

卷之第二十二

宦蹟

四十

能文敦崇學校留心民瘼決訟如止水事無寃抑士民迄今感之

楊州鴈 貴州人由舉人萬曆間知環縣仁愛牧民立身節儉蒞任九年不貪榮利尋予告致事歸邑人深慕

袁繼登 江南人由拔貢崇正十六年知安化縣明隆萬以還戶口凋耗地荒糧重民不聊生乃親歷原隰稔知其苦遂備陳賠累情節申請蠲除官民便之癸未城陷不屈而死崇祀名宦

郭之麟 威遠人崇正間知正寧縣好賢禮士省刑簿稅流寇猖獗麟練鄉勇躬擐甲胄卒保孤城父老謂百年來循良

之最尋倅江州卒死賊難入名宦

國朝

張星 河南祥符人以監紀廳署理縣政創建縣堂造養士子催科有法撫字得民

杜霽遠 直隸永年人由進士順治九年知安化縣招撫逃亡增添八百餘丁開屯地七百餘頃捐俸修城樓垣墉俱堅固可垂永久鄉城設社學八所開浚城內外井源以死寇骸骨遷座高原崇祀名宦

王士麟 遼東遼陽衛人由舉人順治十三年知正寧縣捐俸修學構倉庫革火耗清畝稅訟無冤民

慶陽府志

卷之第二十二

宦蹟

四十一

劉源澄 直隸固安人由進士順治十年知合水縣寬嚴並濟輸納愈於曩時修復城池人畏其法無有不如期立至者

葉紹麟 廣東惠州府博羅縣人由舉人康熙五十四年任安化縣律己清廉遇事敏決修祠宇建義學蒞治數年多所創舉

王鎬 浙江紹興府會稽縣人由監生保舉試用雍正十一年任安化縣性警敏執法平民不敢以私犯無論士民一接於目輒能呼其姓氏人以此咸憚之以治最聞

孫良貴 字憐初湖南長沙府善化縣人由進士選本省常德府教授乾隆十三年陞授安化縣學問淹博夙負名譽蒞任

十數載民無逋欠性復平恕無苛政嘗因亢旱徒步虔禱甘雨立沛民感戴之

龔 蓀 江西南昌人由進士授合水縣蒞任一載即致仕歸不汲汲於功名泊如也既去之日念念不忘民條具時政申請上憲民感其德為立生祠以祀

劉允 山東壽光人由進士授合水縣時太守傅公宏烈疏請減除安化合水寧州三屬正賦因請力肩其事務使窮黎得沾實惠會以憂去民立去思碑

羅 斌 字二允江南人郡縣無考康熙十六年知環縣時迸弁鄧向日圖謀不軌因有宿憾以兵脅至團堡山百計窘辱

慶陽府志

卷之第二十二

宦蹟

四十二

斌矢志不屈遂被害時康熙十九年也

李廷樞 奉天定海人以隨征功授合水縣性寬仁保煦年少有練達才人有誤罹於法者輒宥之士民依之如怙恃後陞澧州知州去之日民為攀轅流涕

樊 琳 山西澤州人由舉人銓授合水縣性清介飲冰茹蘗杜絕苞苴人亦無暮干者衙舍傾圮即令童僕修葺之其不忍役民如此

黃策麟 福建永定人由舉人授合水縣平易近人與民相見不自知其為官民亦忘其為民官民之相得乃爾後卒於任二子扶櫬歸里祭於道者傾動鄉城咸號泣曰亡吾

父母矣

滑 崙 字鐘玉直隸內邱人順治三年仕環縣時兵荒之後
城市為墟僅撫子民數十家棲止於南城戍樓招集流亡編排
戶口簽民之有勇知義者權宜授之防守枕戈城頭櫛風
沐雨回 寒暑艱苦備至於是田野闢學校興年穀順成
聲四作邑人張鳳翎勒石以紀其事

金先聲 字五鐘湖廣江陵人由進士順治十四年任環縣學
問淵雅尤工於詩蒞任日慨然以富教為己任有所經畫每
借吟咏以見志其嚮炙人口者有云龔逐海濱皆赤子仲生
塞外亦男兒可以見其梗概矣康熙初遷河南汝州牧民咸

慶陽府志

卷之第二十二

宦蹟

四十三

頌之

楊 煒 字錫彤山西沁水人由舉人授環縣留心 濟深得
民情裁革陋規二千餘兩清廉自礪不名一錢邑人立書院
以頌揚其德任十年調莊浪去

七八年十二月卅日

七八歲工人壯滋田學磨